

C) VALLE DE SARRABLO.

*Aineto*²⁶.

Cuento sobre un sucedido.

Deciban os viellos d'a val de Sarrablo, qu'antis más se cometeban muitos robos en aquella redolada y dimpués d'agarrar a os ladróns os mesmos vecinos d'os lugares, los teneban que coxirar de contino y mantené-los en a garchola qu'eba chunto d'a ferrería pa guardar os menesteres, mientras que apaiciban os cevils pa transportá-los enta Güesca y encarcelá-los. Pero a ormino los espachaban deseguida y cuasi sin castigo denguno.

Escamaus os vecinos d'ixa val, y cuan les díjon que os ladróns eban fu de noche, ent'o lugar de Villacampa y eban furtau a os de Sampiatra, brincón galopando ta ixé lugar, y dentrando en Ca o Royo los sorprendión de madrugada, enfartullándose y muito abrevaus, de modo que los detúvon.

Brincón os vecinos con os detuvíus, trestallando cata Secrún²⁷, y cuando iban a llegar ta Guarga, les cruzó por esmo que les podeban pegar una guijonada en o barranco d'alau y dimpués decilene a o regidor. Quedón d'aluerdo y debaxo un salto d'agua, en una ralla, les dión dos cheringazos a boca jarro, y s'en quedón defuncionaus.

Tornaron ta l'Auntamiento y todos contentos al saber a chusticia feita.

De l'alcordanza de ande se fizo ixa "chusticia" ha quedau o nombre d'o barranco que se clama "d'os Ladróns", y a falordia "a chusticia de Sarrablo".

Charradurías de Sarrablo.

En un lugarón d'ixa val, en casa d'un tetulo, casó o fillo primero con una mesacha d'otra casa de menos pares de machos que la d'el, y por ixo a familia d'el no la quereba.

En a comida d'a boda, o marfú rico le feba plato a la suya muller, y ella de deciba:

—"Prou, Chorche, prou".

26. Los textos de este lugar me los proporcionó por escrito Leoncio Escartín Acín, del Molino Escartín (Aineto). Según él, así es cómo los narraban los viejos, cuando era joven.

27. Secrún es el lugar de Secorún.

Y el desimulando la corregiba, diciendo:

—“No se dice así, se dice: suficiente, Jorge, suficiente”.

Antonces, pa lucise y quedar bien con os parientes, en cuanto le vínon ganas de fer “pis”, se plantó tiesa y con voz de vacivera les ne dijo esta charrada:

— “Con el permiso de ustedes, voy a hacer aguas menores y, tal vez, a cagar”.

Cuasi espiazau, pero aconortau, con a salida d'a muller, o maríu dijo:

—“To lo qu'has feito con o morro, l'has esfeito con a coda”.

Deciban os viellos qu'en Panticosa una muller s'esbarizó por una ladera y cuando baxaba redolando s'agarró en un ñarro²⁸ y s'aturó en l'inte.

Otra muller que la vié, asclamó:

—“Gracias a Dios, que no t'has estozolau”.

Y aquélla respondió:

—“As gracias l'en tiengo que dar a o ñarro, que as aduyas de Dios ya s'eban visto”.